






RÖPL.

82

1527

Merck zeytung auß Ungern
des datum stehet zu wienn am
andern tag des weynmonats
Ald. D. xxvij.



Seztung aus Ungern/Des datum

stehet zu Wienn. 2. Octobris.

M. D. XXXij.

Gestern vor dato sein post von Bän. Maieftat gen Wienn kumen/sey der Kün. Maieft. dem Herren Schatzmeyster/das schreyben / so graff Nicolaus an jr kün. Ma. des glückseligen sigs in eroberung der schlacht/gethan : züggeschickt/also lautend.

Gnedigster herr/welcher massen/der Weyda abgewichen vnd flüchtig worden/darumb das er nit hat können wissen/wie mir ab züprechen/vnd was fürnemens ich wider jne sey. Wissen E. R. M. das er dozumal in seynē vortheyl gen Tockey getreten/vnd sich daselbst in eynem engen wege / neben der Deichsa verschantz/vnd die zeyt gewartet/in maynung sich mit vns zü schlagen. Nun hat aber Got der Allmechtig E. R. M. sein gnad vnd barmherzigkhey mitgetheylt/vñ vns an heüt wider gedachten feind/glück/sig/vnd eer/der gestalt wie her nach volgt/gegeben.

Demnach ich von Moy stracks dem leger nach züvolgen meynen paß auff das schloß Tockey genomen/vnd nechten das leger auff ein halbe meyl wegs dauon geschlagen/hab ich die knecht vnd raysigen yeder halsteil die wach in der wagen purg zü halten verordnet. Ist der Weyda dieselben nacht ein stund oder vngewerlich anderthalbe vor tags mit aller seyner macht züroß vnd süß in vnser leger/seyn glück züuersuchen/an komen/dareyn gewaltiglich gefallen/vnd vast ein gewaltigen angriff gethan/Aber wir haben sie mit hilff des almechtigen widerumb zü ruck auß dem leger geschlagen/da der veynd etlich erstochen/vñ an der malstat etlich seyner haubdent/als Marco Lucas zwen treffenlich Polnisch haubdent bliben/vñ der Wodo Ferenz tödtlich verwundet/Vnd als der tag her geprochen/het ich die geringen pferdt alle in den vortrab auff



das gepirg geschickt/die der veynd /so sich in der flucht versto-
ssen/ vil erstochen/ Nachmaln als sie das gepirg besichtigte/
hab ich den Eck von Reüsch mit dem verlorren hauffen/
in des Weyda leger geschickt/ vnd ich dieweyl hinten mit dem
gewaltigen hauffen verhalten/ bis auff seyn bescheid/ so er mir
thun solt/ hat Eck mit demselben vertrag die sachen also befin-
den/ vnd mir züentpoten/ ich sol mit dem gewaltigen hauffen
geschütz/ vnd wagenpurg auff in verrucken. Dazwischen hat
Eck in das leger gesetzt/ darin vil erstochen vnd errenckt/ dar-
nach hat er das schloß Tockey/ sich an E. R. v. Ja. zu geben/
auffgefodert/ Aber die so daryn gewesen / im deshalben keyn
antwort geben wollen/ vnd heffig heraus geschossen/ Etlich
namhaftig herren/ Edel vnd gemein auß den vnsern dar-
vor erschossen vnd beschedigt worden. Als ich aber kummen
bin/ sein ich vnd Eck bey eyinander vor dem schloß gehalten/
vnd rath geschlagen/ wie wir das erobern wollen. In dem
hat Gott geschickt/ das/ dieweyl jr eygen pulffer im schloß an-
gangen vnd den grossen thurn ersprenget/ vnd also das ganz
schloß zerstoßen vnd verprent/ darin jr bey den 400. gewesen
aber wenig mit dem leben darvon kummen/ vnd was nit ver-
pennen/ ist erstochen worden. In dem angriff der wagen-
purg/ sein auß den vnsern umbkummen zwen puchsenmeister
vnd Marquart Aychenperger zeugmayster auff fünf bis in
sechs puchsenmayster verwundet/ vnd etlich roß bey dem ge-
schütz erstochen worden. Der Weyda hat auff seinem theyl
vil güter leut verlorren. Die Pären vnd Polecken/ so bey im
gewesen/ alle über die gepirg auß gelauffen/ Vnd er mit seinen
husern über die Deychsa geflohen/ vnd wo er die Brucken
nach im nicht abgeroiffen het/ were im in dem schrecken von
vnsern geringen pferden vnd andern noch grösser schaden
geschehen/ Vnd seyn jr der husern nach abwerffung der Bruck-
en in die 400. errenckt worden. Solliche handlung so vns
mit dem veynde begegnet ist/ hab ich E. R. v. Ja. des zu ersiere

in eyl zu wissen thun wollen/ Vnd an solcher handlung vmb
that/ haben sich die vnsern fürsten vnd herren/ Edeln vnd vn-
edeln vast redlich vnd wol gehalten/ Dan der veynde seyn vil
mer dan der vnsern gewesen/ hab ich E. R. v. Ja. sich habe dar-
nach zürichten/ nicht verhalten wollen/ der ich mich thü hie
mit geborsamlich beuelhen. Datum zu Tockey im veldleger/
den 27 Septembus in der nacht/ Anno zc. 1527.

Auff sollich graff Nicolaus schreyben/ hat die Königin heut
dato ein frölich ampt in Sanct Stephans kirchen lassen singē
bey dem jr Maiestat persönlich sambt dem ganzen Regiment
zu Wienn gewesen/ vnd würt eigentlich darauff volgen/ das
vil herren edel vnd vnedel/ auff dieffen Rackasch/ oder land-
tag kumen werden/ die des hievor gar nicht gefinde gewesen.

Auff graff Cristoff von Krabaten/ der sich mit dem Win-
dischen landvolck/ von newen in die 12000. gestieret/ schickt
man im auß Osterreich vnd Steyermarck/ ein dapffer volck
vnd würt im durch die schlacht das hertz auch zum theyl ems
pfallen seyn zc. Datum vt sup.

Die stadt Erel/ so dan ein Bisthum ist/ hatt sich vor diser
schlacht gehuldigt dem Ferdinando/ Aber sie vernamen/ das
sich Weyda vnd graff Cristoff also mechtig gesterckt/ seyn sie
wider vmbgefallen/ Ist graff Nicolaus mit seinen hauffen wol
der hinder sich geduckt/ vnd die stadt wider überfallen/ alles
was darin manpar gewesen/ erschlagen.



